



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

9

v84

470

471

472

1999

9
471

ՀԻԼԼԵՐ.

Ա Ի Ա Ջ Ա Կ Ն Ե Ր.

Գերմ. քնագրից անկի.

Ս. ԲԱՌԱՅԵԱՆՑ.



ԲԱՌԱՅԻ:

Տպարան Յ. Գ. Գիւլբասարեանի.

1902.

9
471

Բայց տես, թէ ինչպէս փառահեղ կերպով
մայր է մտնում արևը... Այդպէս է մեռնում
հերոսը... Երբ ես դեռ մանուկ էի, այդ էր իմ
ձգտումը՝ արևի պէս ապրել և արևի պէս մեռնել...
Տեսէք. ամեն բան կենդանանում է գարնանային
մեղմ ճառագայթներից: Ամենքը բազդաւոր են...
Ինձ համար միայն չկայ որդիական քաղցր անունը,
սիրելիի քնքոյշ հայեացքը և բարեկամական գր-
կախառնութիւնը...

Дозволено Цензурою 9 июня 1901 г., Тифлисъ,

28-93



471-79

Խաչերի և սեղանների առաջ ծուներ էք դնում,
ճոմապահոթեամբ տանջում էք ձեր մարմինը,
և կարծում էք, թէ այդ միմոսութիւններով կը
կուրացնէք Նրա աչքերը, որին դուք ինքներդ
ամենագէտ էք անւանում...

Կոմս Մօօրը երկու որդի ունի՝ Կարլ և
Փրանց: Կարլը թողնելով հայրենական ամրոցը,
գնացել է Լայպցիկ ուսանելու, իսկ Փրանցը մնա-
ցել է տանը: Կոմսի պալատում սնելը, մեծա-
ցել և ապրում է մի սիրուն, անմեղ աղջիկ՝
Ամալիա անունով: Ահա այդ աղջիկը կռիւածա-
ղիկ է դարձել երկու եղբայրների մէջ: Կարլը և
Ամալիան դեռ մանկական օրերից սիրումն են մի-
մեանց բոլոր սրտով, որովհետեւ իրանց հոգեկան
յատկութիւններով բոլորովին համապատասխան
են իրար: Բայց Փրանցին դէպի աղջիկը մղում
է ստոր-մարմնաւոր կիրքը: Կարլի բացակայու-
թիւնից օգտւելով Փրանցը գործ է գնում զա-
նազան ստոր միջոցներ, որ Ամալիայի սիրտը
զրաւէ: Միւս կողմից նա աշխատում է, որ Կար-
լին վերջնականապէս զցէ ծերունի հօր աչքից
և առ միշտ կտրէ նրա ոտքը հայրական ամրո-
ցից: Այդ չար մտադրութեան նպատակ է յե-
տեւեալ հանգամանքը:

Կարլը, դեռ շատ ջահիլ լինելով, ուսանո-
ղական կեանքի մէջ թոյլ է տալիս իրան զանա-
զան չափազանցութիւններ, որ շատ սովորական
է գերմանական ուսանողների մէջ՝ խմել, մենա-
մարտել, անհաշիւ փողեր մխտել և սրա նման
բաներ: Այդպիսի կեանք է անցուցանում յաճախ
նոր սկսող ուսանողը: Բայց սովորաբար ծնեղ-

ները ներում են դեռահաս ուսանողին և վճարում են նրա պարտքերը: Կարլը արդէն բաւական պարտքեր ունէր, որի համար պարտապանները նեղացնում էին նրան: Ծերունի կոմսը, ի հարկէ, կ'օգնէր որդուն և ամեն բան կ'ընդանար սովորական ճանապարհով, որովհետեւ, չնայելով շափազանցութիւններին, Կարլը ի բնէ մաքուր և բարեսիրտ անձնաւորութիւն էր: Բայց Փրանցի խարդախ միտումներին ձեռնտու չէր, որ Կարլը նորից ուղիղ ընթացք ստանար:

Փրանցը մի սուտ նամակ է շարագրում, իբր թէ Լայպցիկից ստացւած և կարգում է հօր ներկայութեամբ: Նամակի մէջ Կարլի կեանքը նկարագրւած է սաստիկ սև գոյներով: Նամակագիրը ի միջի այլոց յայտնում է, իբր ցաւօք սրտի, թէ Կարլը քառասուն հազար դուկատ պարտքի մէջ է ընկել, թէ նա անպատել է մի հարուստ բանկիրի ազգիկ և մենամարտելով սպանել է իւր ախոյեանին, աղջկայ նշանածին, իբր թէ այդ բոլորի համար կառավարութիւնը որոնում է Կարլին, բայց նա մի խումբ երիտասարդներ ճանապարհից հանելով փախել-անյայտացել է: Այժմ նրա գլուխը գնահատւած է և Մօօրի անունը խայտառակւած:

Բայց ծերունին չէ կարողանում դիմանալ այդ ծանր լուրերին, մանաւանդ երբ հարցը վերաբերում է իւր բարի անւան: Եւ այդ բո-

լոր զրպարտութիւններին ծերունի կոմսը հաւատում է, որովհետեւ Փրանցը իւր քայլերը անում է վերին աստիճանի նուրբ փարիսեցութեամբ և նենգաւոր խորամանկութեամբ: Նամակը կարգալուց առաջ նա հարցնում է հօր առողջութիւնը և տրամադրութիւնը, իբր թէ դժւարանում է ցաւացնել հօր սիրտը, ստացած նամակը կարդալով: Յետոյ իբր թէ չը կամենալով շարունակել նամակի ընթերցանութիւնը, պատուում է նրան, խկապէս նպատակ ունենալով ծածկել նամակի կեղծ լինելը:

Բայց Փրանցը չէ բաւականանում նամակը կարդալով, այլ աշխատում է իւր գատողութիւններով լարել ծերունուն որդոյ դէմ:

„Մի՛թէ այդ բոլորը չէի գուշակում ես—ասում է Փրանցը հօրը—երբ նա դեռ երեխայ ժամանակ փողոցային տղաների հետ թափառում էր դաշտերում ու լեռների վրա, եկեղեցուց փախչում էր, որպէս յանցաւորը բանտից, և Ձեզանից ստացած կոպէկները տալիս էր առաջին պատահող մուրացկանին, մինչդեռ մենք զբաղւած էինք ազօթքներով և քարոզագրքերի ընթերցանութեամբ: Մի՛թէ ես չէի գուշակում ապագան, երբ նա կարգում էր Յուլիանոս Կեսարի և Աղեքսանդր-մեծի հեթանոսական արկածները աւելի սիրով, քան Տօրիասի ապաշխարհական զբքերը: Հարիւր անգամ ստիկ եմ, որ այդ մար-

յը մեզ ամենքիս գցելու է թշւառութեան ու խայտառակութեան մէջ: Ոհ, երանի թէ նրա անունը Մօօր չլինէր: Բայց դուք միշտ գովում էիք նրան: Այդ կրակոտ հոգին—ասումէիք դուք—որը նրան այնպէս գգայուն է զարձնում պէպի վսեմ ու զեղեցիկ բաները, այդ պարզ սիրտը, որ արտացոլում է նրա աչքերի մէջ, զգացմունքների փափկութիւնը, որ յաճախ արտասուքի է հասցնում, այդ քաջարի բնաւորութիւնը, որ ստիպում է նրան բարձրանալ գարեօր կաղնիների գլուխը, այդ անմեղ փառասիրութիւնը, այդ անյազթելի կամքը և բոլոր այդ փայլուն յատկութիւնները մի ժամանակ առաջ կը բերեն մի հերոս, մի մեծ մարդ: Դէհ, տեսէք այժմ, հայր. կրակոտ հոգին զօրեղացել է և փառահեղ պտուղներ է բերում: Տեսէք, թէ անկեղծութիւնը որպիսի յանդգնութեան է փոխուել. Տեսէք, թէ հանճարեղ գլուխը որպիսի ծրագիրներով է զբաղւած: Դուցէ, հայր, դուք զեռ բազդ կունենաք տեսնելու նրան մի գօրքի գլխին, որը բանակ գնելով անտառներում, յոգնած ճանապարհորդի բեռը կիսով չափ կը թեթեւացնէ: Դուցէ... Բայց... հայր, հայր, հայր... մի ուրիշ անուն գտէք Ձեզ համար“...

Ծերունին հաւատում է այդ բոլորին: Բայց ինչ անէ. հայրական սիրտը այնուամենայնիւ չէ կտրուում որդուց: Սակայն Փրանցը շատ խորա-

մանկ է: Նա բերում է այն փաստը, թէ շատ անգամ վատ մարդկանց ուղղում է նեղ զրութիւնը: Ուրեմն եթէ ծերունին խիստ վարէ Վարլի հետ, զրկէ նրան իւր օգնութիւնից, հրամայէ երբէք չ'երևալ իւր աչքին, ապա կարելի է յուսալ, որ մի ժամանակ կը զղջայ նա: Ծերունին աւելացնում է, թէ ինքը կը ներէ Վարլին, երբ նա անկեղծ զղջայ: Բայց Փրանցը աւելորդ է համարում այդպիսի յուսադրութիւնը, քանի որ նա առանց այդ էլ կարող է և պարտաւոր է զղջալ: Ինչ վերաբերում է Վարլին գրաւոր պատասխանելուն, Փրանցը խորամանկութեամբ թոյլտուութիւն է ստանում հօրից, որ ինքն զրէ նամակը, իբր թէ հայրը զայրացած լինելով, կարող է փօրը ինչ խիստ լեզու գործածել: Իսկապէս Փրանցը բոլորովին հակառակն է մտածում: Ծերունին միամտաբար յանձնում է Փրանցին՝ զրել և ուղարկել հարկաւոր նամակը և զուրս է գնում:

Փրանցը մէնակ մնալով, սկսում է զանազան կեղծ ու պատիւր դատողութիւններով հանգստացնել իւր խիղճը, արդարացնել իւր վարմունքը:

„Ես իրաւունք ունիմ՝ բնութիւնից անբաւական լինելու“—ասում է նա ինքն իրան: Ինչո՞ւ ես առաջինեկը չեմ. ինչո՞ւ բնութիւնը այդպիսի տղեղ կերպարանք է տուել ինձ: Բայց ո՞չ. ես անարդար եմ դատում. նա խօ մեղ հնարագիտութիւն է սլարգել. նա զրել է մեզ ովկիանոս—

աշխարհքի ափին մերկ և թշուառ և ասել՝ լողա՛, ով կարող է լողալ, իսկ ով չէ կարող, թող խեղտի: Ամեն մարդ իրաւունք ունի թէ ամենամեծ և թէ ամենափոքր բաների վրա: Պահանջին յազթում է պահանջը, և ոյժին՝ ոյժը: Իրաւունքը յազթողինն է և մեր ոյժերի սահմանները մեր օրէնքներն են: Ի հարկէ գոյութիւն ունին ընդհանրական որոշ սկզբունքներ, որոնց մարդիկ հնարել են ընդհանուր կեանքի զարկերակը շարժելու համար: Օրինակ՝ պատուաւոր անունը՝ յիրաւի մի թանգագին գրամ, որը կարելի է շատ լաւ շահեցնել: Խիղճը. ո՛հ, ի հարկէ. մի փառաւոր խրտուիլակ կեռասնոու վրա գրած՝ ճնճգուկներին վախեցնելու համար: Իսկապէս շատ գովելի միջոցներ՝ յիմարներին զսպելու համար... Իսկ ես... Անվախ գէպի յառաջ: Ով չէ վախենում ոչ մի բանից, նոյնքան զօրեղ է, որքան նա, որից ամենքը վախենում են: Այժմ մօզա է՝ հագուստի վրա այնպիսի կոճակներ տնկել, որոնց կարելի է ըստ կարիքի յետ ու առաջ շարժել և հագուստը նեղացնել կամ լայնացնել: Ուրէմն մենք էլ նոր մօզայի համեմատ մի խիղճ կը պատրաստենք, որը կարելի կլինի հարկաւոր գէպրում լայնացնել կամ նեղացնել... Ես շատ բան եմ լսել այդպէս կոչւած արիւնակցական սիրոյ մասին: Այս ինչ պարոնը քո եզրայրդ է. այսինքն թէ նոյն քուրայիցն է դուրս

եկել, որից դու ես գուրս եկած. ուստի նա պիտի սուրբ լինի քեզ համար: Տեսէ՛ք թէ որպիսի յիմարութեամբ մարմինների առնչութիւնից եզրակացութիւն են անում հողիների համերաշխութեան մասին... նա քո հայրն է, նա է քեզ կեանք տւել, դու նրա մարմինն ես— ուստի թո՛ղ նա սուրբ լինի քեզ համար: Գարձեալ մի անմիտ եզրակացութիւն: Ես կը կամենայի իմանալ, թէ ինչո՞ւ է նա գոյութիւն տւել ինձ. մի՞թէ նա սիրում էր ինձ, երբ ես զեռ բոլորովին գոյութիւն չունէի: Ուրէմն որտեղ է սրբութիւնը. թերևս նոյն ինքն այն գործողութեան մէջ, որից ես յառաջ եկայ... Մի՞թէ սա մի ուրիշ բան է, բայց եթէ անասնական գործողութիւն՝ անասնական կրքին բաւականութիւն տալու համար: Կամ թէ գուցէ ես պիտի յարգեմ իմ հօրն այն պատճառով, որ նա ինքն սիրում է ինձ: Սակայն այդ սէրն էլ ուրիշ բան չէ, բայց եթէ ունայն փառամուտութիւն, որը յատուկ է բոլոր արեւստագէտներին, որոնք պարծենումեն իրանց ստեղծագործութեան արդիւնքով, որքան էլ շնչին լինի նա... Անվախ գէպի գործ... Ես կը փշացնեմ ամեն բան, որ սահմանափակում է իմ իրաւունքները: Ես պիտի ինքնիշխան լինեմ, որպէս զի գօռով ձեռք բերեմ այն բոլորը, ինչոր չեմ կարողանում ստանալ իմ տգեղութեան պատճառով...

II.

Սակասական թագաւորութեան սահմանի մօտ գտնւած մի պանդոկում Կարլը և իւր ընկեր Չպիգէլբէրգը ժամանակ էին անցկացնում: Չպիգէլբէրգը հռանդով կոնծում էր: Իսկ Կարլը մի բաժակ գինի մօտը դրած, խորասուզւած էր մէկ գրքի ընթերցանութեան մէջ: Նա խիստ անբաւական էր ժամանակակից կեանքի խիստ չնչին ոգուց և գիտնական աշխարհի անբովանդակ դրութիւնից: Ահա թէ ինչու յանկարծ մի կողմ նետեց գիրքը և սկսեց ինքն իրան գանգատուել:

„Չգուռմեմ այդ թանաքամոլ դարի որդիներից, համեմատելով այն մարդկանց հետ, որոնց մասին կարդումեմ Պլուտարխի գրքի մէջ: Աստուածային վառ կրակը հանգել է և նրա տեղը բռնել է թատրօնական շինծու հրավառութիւնը, որով չի վառվիլ նոյն իսկ մի ծխախոտ: Եզրիտ արեղան յամարձակում է վախկոտութեան մէջ մեղադրել Ալեքսանդր Մակեդոնացուն: Այն հիւանդոտ գասախօսը, որը իւրաքանչիւր բառից յետ նաշատիր է բռնում քթին, գոռում է Ֆիզիկական ոյժի նշանակութեան մասին: Մի երեսայ գոյացնելուց յետոյ ուժասպառ դառնող պարոնները քննադատում են Աննիբալի պատերազմական տակտիկան: Թիու, թիու, այդ ուժասպառ դարի երեսին, որը ուրիշ բան չէ կարողանում

անել, բայց եթէ ծամծմել նախկին ժամանակների գործերը, շարչարել հին աշխարհի հերոսներին և աղաւաղել նրանց պատկերը անհամ ողբերգութիւնների մէջ: Նրա երկամունքի ոյժը սպառուել է և մարդկային սերունդը շարունակելու համար անհրաժեշտ է դիմել գարեջրի օգնութեան: Այժմեան մարդիկ լիզումեն կոչիկ մաքրողի ոտները, եթէ նա կարող է բարեխօս լինել նորին ոլորմածութեան առաջ, բայց ծաղրումեն այն արժանաւոր անհատին, որից շեն վախենում: Միմեանց աստուածացնում են մի աման կերակրի պատճառով, բայց պատրաստ են թոյն խմացնելու իրար, որպէս զի աճուրտի ժամանակ կարողանան էժան ձեռք բերել մի շնչին մահճակալ: Անիծում են սագուկեցուն, որ սակաւ է եկեղեցի յաճախում, բայց սուրբ սեղանի առաջ զբաղում են իրանց վաշխառական տոկոսները հաշւելով... Ես պարտաւորւած եմ կապկպել մարմինս գոտիներով, իսկ հոգիս՝ օրէնքներով: Օրէնքը ստիպում է կրիայի քայլերով առաջ գնալ այն մարդուն, որը կարող էր թռչել արծիւի նման: Օրէնքը տակաւին ոչ մի մեծ մարդ չէ ստեղծել, իսկ սպատուութիւնը յառաջ է բերել հսկաներ և հերոսներ: Տւէք ինձ մի զօրագունդ՝ բաղկացած ինձ նման կտրիճներից և Գերմանիայից շառաջ կը գայ այնպիսի մի հանրապետութիւն, որի հետ համեմատած՝

Հուօմբ և Սպարտան և ուսանողները կը նմանեն...»

Մինչդեռ Կարլը խորասուզւած է իւր տխուր մտքերի մէջ, Չպիզէլբէրգը աւելի ու աւելի է հարբում և գինու ազդեցութեան տակ ոգևորւում է արկածական ծրագիրներով, որոնք վաղուց արդէն բուն էին գրել նրա սրտում: Նա համոզւած է, թէ մարդ չէ կարող ազնիւ միջոցներով իւր համար երջանիկ կեանք ստեղծել, այլ անհրաժեշտ է գործ գնել ամեն տեսակի խարդախ կամ բռնի միջոցներ. պէտք է հնարագէտ լինել: Նա հակւած է դէպի գողութիւն, աւազակութիւն և սրանց նման նենգ գործունէութիւնները, ուստի Օգտելով Կարլի մեկամաղձոտ տրամադրութիւնից աշխատում է թեքել նրան էլ իւր կողմը: Բայց Կարլը այնպէս ստոր և թեթեամիտ չէ, որ առանց այլ և այլի ընդունէ նրա արկածական ծրագիրները: Կարլը որոշել է միանգամայն թողել անկանոն կեանքը և լուրջ աշխատանքի մէջ որոնել իւր բազդը...

— Բարով գնաս—ասում է նա հեղնօրէն իւր ընկերին—բարձրացիր դու խայտառակութեան սիւնի վրա և հասիր փառաց զագաթին: Իսկ ինձ հրապուրում է անգորը կեանքը իմ հայրական անտառի ստեղծում իմ Ամալիայի գրկում: Գեռ անցեալ շարաթ ես նամակով ներողութիւն եմ խնդրել հօրիցս և իմ ամենափոքր սխալն անգամ չեմ թագցրել: Իսկ ուր անկեղծութիւն կայ,

այնտեղ կայ նոյնպէս կարեկցութիւն և օգնութիւն: Մենք պիտի միմեանց մնաս-բարե տեսնք, Մորից: Այսօր վերջին անգամն է, որ մենք միասին ենք: Փօստը արդէն եկել է և հայրական ներողութիւնը արդէն այդ քաղաքի պատնէշների մէջ կ'լինի.

III.

Չուտով յայտնւում են Կարլի միւս ընկերները: Չվարցը տալիս է Կարլին նոր ստացւած նամակը: Կարլը անսահման ուրախ է, նա հաստատ հաւատացած է, որ հայրը ներել է իրան և կանչել է դէպի հայրենական տուն: Բայց աւանգ... Կարլի իսկական նամակը եղբայրը չէ հասցրել հօրը, այլ փոխարէնը կարգացել է նրա մօտ այն զրպարտիչ նամակը, որի հետ մենք արդէն ծանօթ ենք: Եւ ահա այժմ էլ Կարլը եղբորիցն է պատասխան ստանում: Տեսնենք թէ ինչ է գրում նա:

«Տարաբանդտ եղբայր: Միայն կարճ կերպով պիտի յայտնեմ քեզ, թէ քո յոյսդ չի արդարացաւ: Հայրդ հրամայեց գրել քեզ, որ դու կարող ես գնալ, ուր առաջնորդում են քեզ քո խայտառակ գործերը: Նոյնպէս նրա կողմից յայտնում եմ, որ դու չը պիտի որեւէ յոյս ունենաս, թէ երբեքից նրա ոտներին ընկած ողորմութիւն կը գտնես: Նրա հրամանով ահա վերջացնում եմ նա-


մակը: Մնան բարե յաւիտեան: Ես խղճում եմ
քեզ: Փրանց Մօօր:“

Նամակը շփոթեաժ կարգալով Կարլը յուսա-
հատ դուրս թռաւ առանց մի բան արտասանե-
լու: Իսկ Զպիգէլբէրգը խօսք բացեց ընկերների
մօտ իւր ծրագիրների մասին.

— Ես ձեզ համար մի ծրագիր եմ կազմել:
Չէի ասում, թէ վերջապէս ձեր ամենքի հոգսը
եւ պիտի քաշեմ... Չեզանից պիտի յառաջ բերեմ
հերոսներ, բէկեր, իշխաններ, աստուածներ...
Չեզանից պահանջում եմ միայն, որ քաջ լինէք,
իսկ ինչ որ մտնէ է վերաբերում, այդ իմ գործն
է... Եւ ինչ ունէք դուք այսուհետեւ կորցնելու...
Եթէ ձեր երակները մէջ դեռ հօտում է մի կա-
թիլ գերմանական արիւն, եկէք ուրեմն... Գնանք
Բօհէմիայի անտառները, աւազակային խումբ կազ-
մենք և... Հը, ինչ էք շարել... Միթէ ձեզ
ուրիշ ելք է մտում: Կամենում էք պարտքի պատ-
ճառով բանտ նստել, մինչև որ վերջին դատա-
ստանի ասեղ փողը կը փչեն: Կամթէ կամենում
էք մի կտոր հացի համար բահն ու թիակն բռ-
նած տանջել ձեզ, կամթէ լուսամուտների տակ
աշուղութիւն անելով ողորմութիւն ստանալ, կամ
թէ... Եւ ինչն է խանգարում ձեզ նշանաւոր
մարդիկ դառնալ: Իմ ծրագիրը շատ յարմար է
այդ նպատակի համար. միայն այդ ճանապարհով
ձեռք կը բերէք դուք փառք և անմահութիւն...

Գուր մտածում էք ազնուութեան մասին: Բայց
ինչ է ազնուութիւնը... Հարուստ վաշխառուի
մէջքից վերցնել երրորդ մասը այն ոսկուց, որ
խանգարում է նրա քունը: Ապարդիւն մնացած
զրամին ընթացք տալ, գոյքերի հաւասարակշու-
թիւնը վերականգնել. մի խօսքով՝ նորից յետ
բերել ոսկեայ դարեշրջանը, ազատել աշխարհքը
ձրիակերներէից, սլատերազմներից, ժանտախտից,
սովից և մանաւանդ փարիսեցիներից... Անձ թէ
ինչ է նշանակում արժանաւոր գործիք դառնալ
նախախնամութեան ձեռքին: Չէ որ շատ ան-
գամ այն համաշխարհային հանճարը, որը կա-
րող էր աշխարհքը բարեկարգել, փթում է բան-
տերում, բայց նրա անունը յիշում է հարիւր և
հազար տարիներ: Իսկ շատ թազաւորներ առհա-
սարակ չէին յիշիլ պատմութեան մէջ, եթէ
պատմագիրը չը կամենար գիրքը հաստացնել՝
աւելի վարձ ստանալու համար:

Զպիգէլբէրգի խօսքը ներկայացնում է մի
անբաժան խառնուրդ, որի մէջ ստոր և սուտ
արտայայտութիւնների հետ շողկապեաժ են և
մեծամեծ ճշմարտութիւններ: Ուստի նրանք ներ-
գործեցին տաքարիւն երիտասարդների վրա և
սրանք համաձայնեցին տազակային խումբ կազ-
մել, եթէ միայն զարկ տալու նրանց առաջ-
նորդը: Զպիգէլբէրգը, ինչն ընդ մտադիր պարա-
զուիս դառնալու, բայց ամենքը յաւ էին հասկա-



477-29

նում, որ այդ արդէն նրա գործը չէր, որովհետև նա հարկաւոր քաջասրտութիւնը չունէր: Բազում տրապէս հէնց այդ բոպէին կրկին եկաւ Կարլը:

„Օ՛, մարդիկ, մարդիկ — բացականչեց նա խորը վշտացած — նենգաւոր կոկորդիլոսներ: Ձեր արտասուքը ջուր է, ձեր սիրտը՝ երկաթ: Զրթունքի վրա համբոյր, իսկ կրծքի տակ սուր: Առիւծները և բորենիները կերակրում են իրանց ձագերին, ազուաները լէշ են որոնում իրանց ճուտերի համար, իսկ մարդը, մարդը... Ես սովորել եմ շարին համբերել, կարող եմ ժպտալով նայել, երբ իմ կատաղի թշնամին կը խմէ իմ սրտի արիւնը... բայց երբ դաւաճանողը արիւնակից սէրն է, այն ժամանակ բորբոքւիր, կրակավազը դարձիր, հեզիկ դառնուկ... թող իմ երակներից գայրոյթ և կորուստ ժայթքէ... Ինչո՞ւ այդ հողին չէ մտել մի վազրի մէջ, որ կռծոտէր մարդկանց միտը: Սա է սէրը սիրոյ փոխարէն: Ո՛հ եթէ ես մի արջ լինէի և կարողանայի հիւսիսի բոլոր արջերին առաջնորդել մարդկանց արիւնարբու սեռի դէմ: Զղջումն և ոչ մի ներողութիւն: Ո՛հ, ես կը կամենայի ովկիանոսը թունաւորել, որպէս զի մարդիկ բոլոր աղբիւրներից թոյն ծծեն: Վստահութիւն, անսահման ապաւինութիւն և ոչ մի խղճահարութիւն... Ոչ՛, այդ անհաւատալի է, այդ երանգ է, այդ խաբուսիկ երևոյթ է: Այնպիսի սրտաշարժ խնդիրը, այնպիսի

արտասուախառն ապաշխարութիւն... Բարերը լաց կ'լինէին, բայց... Ո՛հ, եթէ ես կարողանայի ապստամբութեան փողը հնչեցնել ամբողջ տիեզերքի մէջ, և օդը, երկիրն ու ծովը պատերազմի կոչել այդ զագանային սերունդի դէմ:“

Ընկերներից մէկը փորձում է յայտնել Կարլին իրանց ընդհանուր ցանկութիւնը, Բայց Կարլը կատաղի կերպով բացականչում է.

„Հեռու, հեռու ինձանից. չէ որ քո անունն էլ մարդ է, քեզ էլ կին է ծնել: Կորիք իմ աչքերից, դու քո մարդկային դէմքով: Ո՛հ, եթէ մէկը կարողանար մի սուր դնել իմ ձեռի մէջ. որով կարելի լինէր այդ իժերի սերնդին այրող վէրք հասցնել... Ով կարողանայ ասել ինձ, թէ ինչպէս է պէտք հարւածել, փշրել, ոչնչացնել մարդկութիւնը, նա կը դառնայ իմ բարեկամը, իմ հրէշտակը, իմ Աստուածը... Ես կը պաշտեմ այդպիսի մէկին...“

Ընկերները յայտնում են նրան իրանց որոշումը և նա բացականչում է. „Այո՛, այդպէս պիտի անենք մենք: Աւազակ և մարդասպան — որպիսի բարձր բան. երզում եմ հողովս, որ ես ձեր աւագակապետն եմ... Անա՛ իմ աչքերը բացւեցան: Որպիսի յիմարն էի, որ կամենում էի նորից վանդակ մտնել: Իմ հողին ծարաւ է գործի համար, իմ շունչը՝ ազատութեան համար... Մարդիկ թագերին իմ աչքից մարդկայնութիւնը...“

Ուրեմն հեռու ինձնից մարգասիրութիւն և խղճահարութիւն... Կանգնեցէք իմ շուրջը և երգեցէք հաւատարիմ ու հնազանդ լինել ինձ մինչև մահ: Եւ ես էլ երդումեմ լինել ձեր հաւատարիմ և քաջ պետը մինչև իմ մահը: Գէ՛հ, գնանք այժմ: Մի վախենաք մահից ու վտանգից, որովհետև մահը որտեղ էլ հանդիպելու լինի, միեւնոյն է:“

Ամենքը երգում են և ոգևորւած ճանապարհ են ընկնում: Միայն Չպիգէլբէրգն է ախուր, որ իրան չը յաջողեց առաջնորդ դառնալ:

IV.

Մինչդեռ Կարլը զբաղւած էր խումբի կազմակերպութեամբ, Փրանցը շարունակում էր ստոր կերպով քարշ զալ Ամալիայի ետեից, նրան իւր թալակը դցելու նպատակով: Ահա մտել է նա Ամալիայի սենեակը և զանազան սուտերով կամենում է նսեմացնել Կարլի պատկերը օրիորդի երևակայութեան մէջ: „Մի՛թէ ես աւելի անարժան եմ—ասում է նա Ամալիային—քան՛թէ Կարլը, որին հայրը անիծել է: Օրիորդը պատասխանում է, թէ այնպիսի հօրը միայն Փրանցի նման որդիներ են արժանի: Փրանցի սիրային բացատրութիւններին Ամալիան պատասխանում է. „Եթէ ինձ սիրումես, ուրեմն իմ խնդիրքը պիտի չը մերժես:“ Փրանցը սիրտ առնելով հաւատացնում է, որ ինքը երբէք չի մերժիլ նրա

խնդիրքը: Ապա օրիորդը պատասխանում է.

„Ես խնդրումեմ քեզ, որ դու ինձ ատես“:

Աւելի գօրեղ մերժում չէ կարող երբէք հնարել մի անմեղ օրիորդը, բայց Փրանցը անողոր է. նա ձեռք չի վերցնիլ: Նա դեռ միջոցներ շատ ունի: Ահա նա սկսում է ապացուցանել, թէ որքան ապերախ է Կարլը: 2է որ Ամալիան բոլոր սրտով սիրում է նրան: Սակայն նա կարողացել է Ամալիայի նուիրած մատանին մի պոռնիկ կնոջ ընծայել: Ամալիան չէ հաւատում: Փրանցը շարունակում է իւր զրպարտութիւնները: Նրա ասելով, Կարլը սարսափելի կերպով վարակել է կեղտոտ հիւանդութիւններով: Նրա աչքերը դեղնել են, ցաւը ուտում է նրա ոսկորների ծուծը, սպառւած է նրա երիտասարդական ոյժը, ժահրալի հեղուկ է բոխում նրա ճակատից, թշերից և մարմնի ամբողջ մակերևոյթից: Բայց Ամալիան պնդում է, թէ այդ բոլորը սուտ է: Ուստի Փրանցը փոխում է իւր խօսակցութեան եղանակը: Սկսում է հաւատացնել, թէ ինքը կամենում էր փորձել Ամալիային: Փրանցը իբր թէ սիրում է Կարլին, „որովհետև բոլորովին նման է նրան իւր հոգեկան յատկութիւններով“: Կարլը ճանապարհ ընկնելուց երդմանցրել է եղբօրը, որ եթէ ինքը չի վերադառնայ, նա դառնայ Ամալիայի ամուսինը: Այդ խօսքը արդէն վերջնականօրէն համոզում է օրիորդին, որ Փրանցի խօսքերի մէջ

մի հատիկ ճշմարիտ բառ չկայ, որովհետև նոյն այդ յիշած օրը Կարլը խօսք է առել Ամալիայից, որ նա միշտ միայն իրան պատկանէ: Օրիորդը դուրս է վռնդում վերջապէս Փրանցին իւր սենեակից: Փրանցը դուրս գնալով, հասկացնում է օրիորդին, թէ Կարլը այժմ մուրացկանութեամբ է հաց ճարում, ուստի Ամալիան պոկում է իւր պարանոցից մարգարտաշարը, ասելով թէ ինքն էլ կամենում է աղքատ լինել, որ դարձեալ Կարլին սիրելի լինի:

V.

Փրանցը իւր շար նպատակներին հասնելու համար կամենում է ինքնիշխան տէր լինել ամբողջում, բայց այդ անհնար է քանի զեռ ծերունին կենդանի է: Ուստի անգութ որդին անհամբեր սպասում է հօր մահւան և ոչ միայն սպասում է, այլ միտք է անում, թէ ինչ հնարքով կարող է ըստ կարելոյն արագացնել ծերունու մահը:

„Այդ արդէն չափազանց երկարանում է— ասում է Փրանցը հօր կեանքի մասին մտածելով — ուրեմն այդ մտի կտորը պիտի զեռ արգելէ իմ ընթացքը այն ստորերկրեայ շան պէս, որի մասին պատմում է առասպելը: Մի թէ իմ ծրարքները պիտի ոչնչանան երկաթեայ լծի տակ: Մի թէ իմ արժւային հոգին պիտի հպատակի կրիայի

դանդաղ քայլերին: Մէկ ճրագ հանգցնել, որը ինքնըստինքեան միայն իւրի վերջին կաթիլներով է պահում, մեծ բան չէ: Սակայն չէի կամենալ ուրիշներին գայթակղութիւն պատճառել: Չէի կամենալ, որ նա սպանւի, այլ որ նրա կեանքը սպառւի: Ես կը կամենայի այնպէս անել, որպէս անում է փորձառու բժիշկը, միայն թէ հակառակ ուղղութեամբ: Հարկաւոր է ոչ թէ արգելիլ բնութեան ընթացքը, որպէս անում է բժիշկը, այլ ընդհակառակն՝ նպաստել բնութեան: Եւ եթէ մենք կարող ենք որոշ միջոցները գործ դնելով կեանքը երկարացնել, ինչո՞ւ պիտի չը կարողանանք հակառակ միջոցներով կարճացնել նրան: Փիլիսօփաները սովորցնում են մեզ, թէ որպիսի ճշտութեամբ համապատասխանում են իրար հոգեկան տպաւորութիւնները և մարմնի ֆիզիկական շարժումները: Անախորժ գրացումներին հետևում են միշտ մարմնական անկանոնութիւններ, կիրքերը խորտակում են կենսական ոյժը: Անշւած հոգին վայր է գլորում իւր բնակարանը, մարմինը: Բայց ինչպէս անել, որ հոգոյ միջոցով մարմինը բոլորովին խորտակւի: Ահա՛ ձեզ մի արժանաւոր արւեստ... Եւ ինչպէս պիտի ես գործ սկսեմ: Կիրքերի ո՞ր տեսակը ընտրեմ: Ո՞րն է կեանքի ամենագարհուրելի թշնամին: Բարկութիւնը— այդ սոված գայլը իսկոյն կշտանում է: Հոգսը— այդ որդնը խիստ կամաց է կրճում:

Վիշտը—այդ օձը շատ հանգարդութեամբ է սու-
ղում: Վախը—յոյսը թուլացնում է նրան: Ինչ-
միթէ այդ է մարդու կեանքը խորտակելու ամ-
բողջ զինարանը: Այժմ ինչ անել: Հն, սարսափը...
Ինչ չէ կարող անել սարսափը: Ինչ կարող են
անել խելքն ու կրօնը այդ հսկայի սառած կրծ-
քի դէմ:

Այդ ժամանակ գալիս է Փրանցի մօտ պա-
լատական պաշտօնիայ Հէրմանը, Կարլի ախոյ-
եանը: Նա էլ մի ժամանակ աչք ունէր Ամալիայի
վրա: Փրանցը նորոգում է հին դէպքը Հէրմանի
երեակայութեան մէջ և աւելացնում է, թէ նա
իրը ասպետ պիտի հեշտութեամբ ձեռք չը վեր-
ցնէ օրիորդից, և յոյս է տալիս գործին նպաս-
տել իւր կողմից: „Մօտ եկ—ասում է Փրանցը
—գուցէ դու չը գիտես, թէ Կարլը զրկւած է
ժառանգութիւնից: Արդէն տասնութէկ ամիս է,
որ նա արսորւած է: Բայց ծերունին սկսել է
զղջալ իւր շուտափոյթ վճռի մասին: Ամալիան
իւր կողմից շարունակ անհանգստացնում է նրան
Կարլի պատճառով: Վաղ թէ ուշ ծերունին կը
սկսէ որոնել որդուն և այն ժամանակ մնաս բա-
րե Հէրման, իսկ Կարլը կը ստանայ հօր ժառան-
գութիւնը, կ'ամուսնանայ Ամալիայի հետ և հան-
գիստ կ'սպրէ ամբողջում: Եւ ես էլ, որ մտադիր
էի քեզ բազաւորացնել, կը մնամ նրա դռները
կանգնած... Լսիր ուրեմն իմ խորհուրդը: Գնա,

հագուստդ փոխիր, որ բոլորովին չը ճանաչես,
Ծերունուն իմաց տուր, իբր թէ ուղղակի Բօհե-
միայից ես գալիս և եղբօրս հետ միասին մաս-
նակցել ես Պրագայի կոտորածին և տեսելս
նրան մեռնելիս... Վերցրու այդ ծրարը, այստեղ
մանրամասն զրւած է քո ասելիքը: Եւ ահա
վկայաթղթերը, որոնք կը փարատեն ամենայն
կասկած: Գէհ, գնա հիմա, միայն ծածուկ, որ
քեզ չը նկատեն: Թէ ինչ կ'լինի յետոյ, այդ մա-
սին ես կը հոգամ... Այդ միջոցով մենք կը իրա-
զործենք մեր բոլոր նպատակները միանգամից
և արագութեամբ: Ամալիան յոյսը կը կտրէ Կար-
լից: Ծերունին սարսափից կը մեռնի, որովհետև
քայքայւած շէնքսը երկրաշարժին չի դիմանալ:
Ես կը դառնամ նրա միակ ժառանգը: Ամալիան
կորցնելով իւր պաշտպանին, խաղալիք կը դառ-
նայ իմ ձեռին:.. Մի խօսքով ամեն բան կարգի
կ'ընկնի: Հէրմանը հաստատ խօսք է տալիս և
զուրս է գնում, իսկ Փրանցը ինքն իրան ասում
է, թէ Հէրմանը կը ստանայ ոչ թէ Ամալիային,
այլ մի ծառայող ազնիկ:

VI.

Ծերունի Մօօրի սիրտը չէ հանգստանում
սկսեալ այն օրից, երբ նա թոյլագրեց Փրանցին
մերժողական նամակ գրել Կարլին: Կոմսը տա-
րակուսում է. նրան թուում է, թէ այստեղ ինչոր

սխալ կայ, թէ իւր վարմունքը շատ էլ արդարացի չէ: Մանաւանդ բորբոքում է նրա հոգեկան կրակը դեռահաս օրիորդը, սրը հալումաշ է լինում իւր Կարլի համար և շարունակ զգալ է տալիս ծերունուն, թէ նա սխալւած է:

Մի օր ծերունին բազկաթռոխ մէջ նստած բուն էր մտել: Ամալիան ներս մտնելով գտաւ ծերունուն երազի մէջ Կարլի հետ խօսելիս: Օրիորդը տեսնելով, որ երազի մէջ նա մտատանջւում է, զարթնեցրեց որ հանգստանայ: Կոմսը աչքերը բացելով նկատեց պատի վրա Կարլի պատանեկան պատկերը, որը վաղուց նկարել էր Ամալիան: Կարլը ժպտում էր անմեղ աչքերով, բայց ծերունին երեակայում էր, թէ ինչպէս այժմ այդ ժպիտը բարկութեան փոխւած կ'լինի: Ամալիան իւր Կարլի փոխարէն ներում է ծերունուն: Նրանք երկուսն էլ մխիթարումեն իրանց այն յուսով, որ գոնեայ հանդերձեալ աշխարհում կը տեսնեն Կարլին, իսկ այժմ երկուսն էլ մահ են կամենում: Ամալիան նստում է զաշնամուրի մօտ և նւագում է պատմական հերոսի շէկտօրի կնոջ սրտաշարժ երգը, որով նա առ միշտ բաժանւումէր հերոս—ամուսնուց:

Այդ ժամանակ Ֆրանցը ներս է առաջնորդում այլակերպւած շէրմանին, իբր թէ Բօհեմիայից եկած օտարականին, որը կարեւոր լուր է բերել Կարլի մասին: շէրմանը պատմում է յետեալը.

“Կարլը վաղուց հեռացել է Լայպցիկից և սկսել է թափառել ամբողջ Գերմանիայում՝ գլխաբաց, ոտնաբորիկ, դռների առջև հաց մուրալով: Երբ սկսել է Աւստրո-Պրուսական պատերազմը, Կարլը լսելով Փրիդրիխի յաղթական թմբուկի ձայնը. գնացել է Բօհեմիա: Թոյլ տւէք—ասել է նա մեծ զօրապետին—մեռնել հերոսական մահով. ես հայր չունեմ: Մի շաբաթից յետոյ տեղի է ունեցել Պրագայի սարսափելի կոտորածը, որին մասնակից էր և ինքը «օտարականը»: „Ես տեսայ—աւելացնում է նա—թէ ինչպէս Կարլը հրաշքներ էր գործում կոտորածի ժամանակ: շինգ անգամ գունդը նորոգեց, մինչդեռ Կարլը չը շարժեց տեղից: շրտապ գնտակները վզվզում էին նրա շուրջը, բայց նա չէր հեռանում տեղից: Վերջապէս մի գնդակ շարդեց նրա աջ ձեռը. իսկոյն նա դրօշակը միւս ձեռքը առաւ և էլի կանգուն մնաց: Երեկոյեան դէմ գտայ ես նրան գետնի վրա փուլած ու ծանր վիրաւորւած: Չախ ձեռքով արգելում էր նա արեան հօսանքը, իսկ աջ ձեռը թաղել էր աւազի մէջ: Եղբայր—հարցրեց նա ինձ—ճշմարիտ է, որ մեր գեներալը սպանւած է:“ Ես հաստատեցի նրա խօսքը: Ուրեմն ով որ քաջ է, թող հետեւ նրան, ասաց նա և ձեռքը վերցնելով վերքի վրայից, թոյլ տւաւ որ արիւնը առատ հօսէ և շուտով հողին աւանդեց:

Կեղծ օտարականը, վերջացնելով իւր հնարովի պատմութիւնը, տուաւ ծերունուն Ամալիայի պատկերը և մի սուր, որը իբր թէ Կարլի սուրն էր: Նրա մի երեսին արիւնով գրած էր. «Փրանց, մի թողիք իմ Ամալիային», իսկ միւս երեսին՝ «Ամալիա հօր մահը քանդեց քո երգումը»: Վերջին խօսքերից Ամալիան ըմբռնեց, որ այդ բոլորը շինծու էր և որ օտարականը կաշառւած է Փրանցի ձեռքով: Բայց երբ Հէրմանը նկատեց, թէ Կարլի վերջին բառը Ամալիայի անունն էր, օրիորդը նորից սկսեց հաւատալ: Հէրմանի ասելով Կարլը գանգատուում էր, թէ իրան յուսահատութեան դուռը հասցնողը իւր հայրն է եղել: Ծերունու սիրտը տակն ու վրայ եղաւ: Նա պարզ գիտակցում է, որ իւր անգթութեամբ սպանել է որդուն: Միևնոյն ժամանակ նա չէ մոռանում, որ իրան մոլորեցնողը Փրանցն է եղել, ուստի յարձակելով նրա վրա, պահանջեց իւր որդուն: Փրանցը հրեց ծերունուն իրանից և դուրս գնաց: Ծերունին բազկաթուռի մէջ ընկղմած տանջւում է: Ամալիան մխիթարում է նրան հանդերձեալ կեանքի յոյսերով: Ծերունին խնդրում է բերել սուրբ գիրքը և կարգալ նրա համար Յովսէփի պատմութիւնը: Ամալիան կարդում է, թէ ինչպէս Յովսէփի եղբայրները արեան մէջ չաղսխեցին նրա պատմութեանը և ուղարկեցին Յակոբին և նա հաւատաց, որ զազանը պատուել է

Յովսէփին և սկսեց ողբալ: Այդ պատմութեան ազդեցութեան տակ ծերունին անշնչացած վայր ընկաւ: Ամալիան սարսուփած դուրս վազեց, աղաղակելով թէ ծերունին մեռաւ: Իսկոյն ներս եկաւ Փրանցը և փակելով հօր աչքերը սկսեց ինքն իրան քաջալերել:

«Ո՛վ կարող է այժմ յամարձակել՝ դատաստանի առաջ կանչել ինձ, կամ թէ ինձ սրիկայ անւանել: Թող կորչէ հեղութեան և առաքինութեան անտանելի գիմակը: Այժմ դուք կը տեսնէք իսկական Փրանցին և կը գարհուրէք: Հայրս շատ քաղցրութեամբ էր վերաբերում զէպի իւր շրջապատը, ստորագրեալներին իւր ընտանիքի անգամներն էր համարում, նստում էր դարպասի առաջ և անցուղարձ անողներին եղբայր կամ որդեակ էր անւանում: Իմ աչքերը կը նայեն ձեր վրա կայծակաբեր ամպի նման, իմ իշխանական անունը կը լողայ այդ լեռների վրա, որպէս մի սպառնալի վայր ընկնող աստղ, իմ ճակատի կնճիռը կլինի ձեր հողմացոյցը... Իմ կալւածքներում պիտի բանը այն տեղ հասցնեմ, որ գետնախնձորը և ամենավատ գարեջուրը միայն տօներին գործածւին և վայ նրան, որ կերևայ իմ աչքին փափուկ և կարմիր թշերով: Ճորտային երկչոտութիւնը և դալկացած գոյնը պիտի որոշեն իմ ստորագրեալներին և այդ գոյնին համապատասխան համազգեստ պիտի հագնեն ամենքը...»

VII.

Այժմ տեսնենք թէ ինչ է կատարուում Բօհեմիայի անտառներում: Կարլի շուրջը արդէն հաւաքուել են հարիւրաչափ աւազակներ, որոնց մէջ կան երկու տեսակ մարդիկ: Ոմանք սրտով ու հոգով իսկապէս նենգաւոր ու խարդախ մարդիկ են, բայց կան և շատերը, որոնց միայն արտաքին հանգամանքներն են զցել այդ անմարդավայել ասպարիզի մէջ: Վերջինների թւին էր պատկանում և Բօլլէրը, որը Կարլի մօտիկ ընկերը և սիրելին էր:

Ահա այդ Բօլլէրին պատահեց ընկնել կառաւարութեան ձեռքը: Երեք օր դատաստան անելուց յետոյ վճռեցին կախազան բարձրացնել նրան: Լսելով այդ լուրը, Կարլը որոշեց ամեն ջանք գործ գնել ընկերին ազատելու համար, կամ թէ գոնեայ ըստ կարելոյն թանգ նստացնել ընկերի կորուստը այն փարխեցիական քաղաքին, ուր նրան կախելու էին:

Բօլլէրին կախելու օրը եկաւ: Ամբողջ քաղաքը ոտքի վրա է: Ամենքը սպասումն են մի առանձին հետաքրքրութեամբ, թէ ինչպէս է իրանց աչքի առաջ բռնի կերպով սպանելու իրանց նման մի մարդ: Կախազանը պատրաստած է քաղաքից դուրս մի ընդարձակ դաշտում, և ամենքը, թողնելով իրանց բան ու գործը, գնացել են

Թամաշայ անելու: Այդ ժամանակ աւազակները անսպասելի կերպով մտնում են քաղաք և վառումն են նրա ամենազլխաւոր կենտրօնները, ի միջի այլոց պայթեցնում են վառօղի աշտարակը: Հազիւ Բօլլէրին բարձրացրել էին կախազանի սանդուխտների վրա, երբ սարսափով նկատեցին, որ քաղաքը ծուխի մէջ կորել է: Ամենքը շարած վազեցին դէպի տուն. գահիճներն անգամ չփոթւած էին և չը գիտէին ինչ անել: Ընդհանուր շփոթութիւնից օգտուելով, Բօլլէրը կտրատում է իւր կապանքները և փախչում: Հասնելով գետի ափը, Բօլլէրը դէն է զցում բանտային զգեստը և լողալով անցնում է գետը, ուր հանդիպում է նրան Կարլը մի ձեռք պատրաստ հագուստով: Փղտուելով ամբողջ քաղաքի շփոթութիւնից, աւազակները մի շարք ասպատակութիւններ են անում և փախչում անտառը: Այդպիսով Բօլլէրը ազատուում է:

Հասնելով անտառը աւազակները սկսում են միմիանց պատմել իրանց քաջութիւնների մասին: Կարլը ցնծում է, որ կարողացաւ ընկերին ազատել ուղղակի կախազանից: Բօլլէրը երբևէ է իւր վերջին կաթիլ արիւնը չը խնայել Կարլի համար: Բայց Կարլի ուրախութիւնը շուտով թունաւորում է: Երբ աւազակները մի առ մի պատմում են իրանց քաջութիւնների մասին, Կարլը ցաւօք սրտի նկատում է, որ շատերը կատարել

են և ամենաստոր գործեր, կոտորել են կանանց և երեխաներին և այլն: Աւագակները մէկը ծիծաղելով պատմում է. թէ ինչպէս ինքն մի ծծկեր երեխայ գտնելով, վերցրեց և նետեց կրակի մէջ: Այդ բանը այնպէս գայրացնում է Կարլին, որ նա հրամայում է աւագակին անմիջապէս հանել աւագակային հանդերձը և կորչել-հեռանալ իւր բանակից: Նա գայրացած սպառնում է շուտով պատժել բոլոր ստոր-չարագործներին: Կարլի տրամադրութիւնը վատացած տեսնելով, աւագակները դէս ու դէն են քաշում և նա մէնակ մնալով ընկնում է խորին մտատանջութեան մէջ:

„Մի լսիր սըանց ո՞վ երկնային Տէր: Ի՞նչպէս անեմ ես: Ի՞նչ անես դու, եթէ քո ժանգախտը, քո սովը քո հեղեղը անմեղին էլ մեղաւորի հետ բնաջինջ են անում: Ո՞վ կարող է ստիպել բռնկւած կրակին, որ նա այրելով մըջիւնների վնասակար բները, չը վնասէ արտերին: Ախ թի՛սւ, երեխաներին մորթել, կանանց սպանել, հիւանդներին ծաղրել... Ինչպէս վիրաւորում է ինձ այդպիսի գործունէութիւնը: Թունաւորւած են ուրեմն իմ ամենագեղեցիկ ծրագիրները: Ահա կանգնած եմ ես երկնքի առաջ ամօթահար և խայտառակւած այն երեխայի պէս, որը Արամազդի գաւազանը վերցնելով, հսկաների փոխարէն թգուկներին էր ջարդում: Գնա՛, գնա՛. դու՛ չես այն մարդը, որը պիտի բռնէ ձեռին բարձր

գատաստանի վրիժառու սուրբ: Դու յազթւեցիր հէնց առաջին հարւածից: Այո, ես կը հրաժարւեմ այդ յանդուզն ծրագրից և կը գնամ սողալու մի որեւէ քարայրի մէջ, ուր արեգակը չի տեսնիլ իմ խայտառակութիւնը:“

Կարլին սթափեցնում են ընկերները, որոնք մօտ վագելով յայտնում են, որ իրանք մեծ վտանգի մէջ են: Զօրքերի մի ամբողջ վաշտ չըջապատել է անտառը և պատրաստում է յարձակում գործելու: Կարլը հրամայում է լցնել բոլոր հրացանները և պատրաստ կանգնել: Ոմանք պիտի թագնւին ծածուկ տեղերում և գնտակներ արձակեն առանց իրանք երեւալու: Ինքն իւր ամենաբնտիք ընկերներով պիտի յարձակւի կենտրոնի վրա: Ըներին էլ պիտի բաց թողնեն, որ զինուորներին շփոթեցնեն: Բայց հագիւ Կարլը այդ կարգադրութիւնը անում է, ահա մօտենում է նրանց մի արեղայ, իբր պատգամաւոր կառավարութեան կողմից:

VIII.

Ամենքը զարմացած նայումեն: Արեղան մօտ է գալիս և բացականչում է.

„Այս է ուրեմն օձերի բունը: Ի՞մ պարոններ, ես եկեղեցոյ սպասաւոր եմ և ահա այնտեղ կանգնած են հարիւրաւոր զինուորներ, որոնք

պատրաստ են պաշտպանելու իմ ամեն մի մագր: Ինձ ուղարկել է բարձր իշխանութիւնը, որի ձեռքին է գտնուում կեանքի ու մահուան դատաւիճիւր: Դո՛ւք գողեր, դո՛ւք հրձիգներ, դո՛ւք սրիկաներ, դո՛ւք թունաւոր օձի ճուտեր, դո՛ւք մարդկութեան կեղտեր, դժոխքի ծնունդներ, կախադանի գաւակներ“...

Աւագակները կամենում են տեղն ու տեղը սպանել շատախօս արեղային, բայց Կարլը արգելումէ այդ և խնդրում է արեղային խօսքը շարունակել:

„Եւ դո՛ւ, պատելի աւագակապետ, գողերի իշխան, դժոխքի թագաւոր, սրիկաների պարագլուխ, բոլորովին նման այն շարագործ դեխն, որը անմեղ հրեշտակների ամբողջ լէգիօններ վառեց ապստամբութեան կրակով և իւր հետ միասին գլորեց նգովքի խոր անտունդը, քո հտելից լուում է որբացած մայրերի ողբը, արիւնը ջրի պէս ես խմում գու, քո անգուլթ թրի համար մարդիկ սաբոնի փրփուրի արժէք չունեն: Զարհուրելի մարդ, չէ այրում քո անիծեալ մատները քո ձեռքով սպանւած կոմսի արիւնը: Դո՛ւ չէիր, որ աւագակային ձեռներովդ կոտրեցիր Աստուծոյ սուրբ տաճարի դուռը և լրբաբար գողացար հազորդութեան սուրբ անօթները: Դո՛ւ չէիր, որ մեր աստուածավախ քաղաքը կրակ տւիր և վառօթի աշտարակը կործանեցիր բարի քրիս-

տօնիաների գլխին: Զարհուրելի, զարհուրելի յանցանքներ, որոնք մինչև երկինք բողբոլմեն:“

Կարլը խօստովանում է, որ այդ բոլորը ինքն է արել, միայն խնդրում է յայտնել, թէ ինչ է իսկապէս արեղայի պատգամաւորութեան նպատակը: Արեղան պատասխանում է.

„Նայիր չուրջդ, ո՞վ շարագործ, տես թէ որ պէս շրջապատւած ես մեր ձիււորներով: Փախչելու ոչ մի հնար չկայ և դուք չէք կարող ազատւել այդ ծառերի վրա կախւելուց: Բայց լսիր, թէ ինչպիսի բարեսրտութեամբ և երկայնամտութեամբ է վերաբերում դէպի քեզ դատաստանը: Եթէ դու իսկոյն խոտարհես խաչի առաջ և գթութիւն խնդրես, ապա արդարադատութիւնը կը ներէ քո յանցանքների կէսը և քո պատիժը կը պակասեցնէ“:

Կրկին աւագակները յարձակում են արեղայի վրա, բայց Կարլը հետ է մղում նրանց և դառնում է դէպի արեղան ասելով.

„Նայեցէք, սրբազան հայր. այստեղ իմ հրամանի ներքոյ գտնուում են միայն եօթանասուն և ինն հոգի, որոնք սովոր չեն թուշկոտել մեծաւորի հրամանի համեմատ... Իսկ այնտեղ կանգնած են հարիւրաւոր զինուորներ, որոնց մագր հրացանի տակ է սպիտակել: Բայց լսեցէք. այդպէս է ասում Զեզ Մօօօրը, մարդասպանների պարագլու-

խը: Ճշմարիտ է, որ ես սպանելեմ ձեր կոմսին, կրակ եմ տուել և թալանել եզրիտների եկեղեցին, հրդեհել եմ ձեր սնահաւատ քաղաքը և խորտակել եմ վառօղի աշտարակը քրիստոնիանների գլխին, բայց դեռ բոլորը այդ չէ: Ես աւելի շատ բաներ եմ արել: Տեսնում էք այդ թանգագին մատանիները, որ շարւած են իմ մատներին վրա: Գնացէք և բառ-առ-բառ հաղորդեցէք կեանքի ու մահւան դատավճիռ կայացնող պատուելի դատաւորներին, ինչոր դուք այժմ տեսնում ու լսում էք: Ահա այդ յակինթը հանել եմ ես մէկ մինիստրի մատից, որին որսի ժամանակ սպանեցի իւր իշխանի ոտների տակ: Նա կարողացել էր ամենացածր խաւերից բարձրանալ մինչև պետական առաջին պաշտօնեայի աստիճանը, բայց ինչ միջոցներով... ոտնատակ անելով իւր պաշտօնակիցներին և որբերին արտասուք թափել տալով: Իսկ այդ աղամանդը հանել եմ ելումտի խորհրդականի մատից, որը սակարգութեամբ վաճառում էր տիրոջները և պաշտօնները, իսկ վշտացած հայրենասէրին վռնգում էր ասպարիզից: Այդ ազաթը հանել եմ ձեր պաշտօնակից մի հոգևորականի մատից, որովհետև նա ամբիօնից ողբ էր կարգում, թէ ինկվիզիցիան վերացել է: Ես կարող էի շատ աւելի բաներ պատմել Ձեզ, բայց այդքանն էլ աստուծոյ եմ...»

Արեղան սկսում է հառաչել և Փառաւօն է

անւանում Կարլին: Իսկ վերջինս դառնալով դէպի ընկերները ասում է.

„Լսում էք: Նկատեցիք սրա հառաչանքը: Ինչպէս կուզենար նա երկնքից կրակ թափել տալ ժողովրդի գլխին... Կարո՞ղ է մարդ այդքան կոյր լինել... Հեզութիւն և համբերութիւն են քարոզում, բայց սիրոյ Աստուծոյ առաջ մարդկային արիւն են թափում, մերձաւորին սիրել են քարոզում, բայց վռնգում են իրանց դռնից ու թստւնամեայ կոյր մուրացկանին: Ազահութեան դէմ գայրոյթ են արտայայտում, բայց օտարներին լծումեն իրանց կառքերին անասունների փոխարէն: Չեն կարողանում հասկանալ, թէ ինչպէս բնութիւնը ծնեց մի Յուդայ Իսկարոզացի, բայց իրանք պատրաստ են տասն մանեթով երբորդութիւնը վաճառելու: Ո՞վ դուք, փարիսեցիներ, զո՞ւք, ճշմարտութեան դրամը նենդողներ... Խաչերի և սեղանների առաջ ծունը էք դնում, ծոմապահութեամբ տանջում էք ձեր մարմինը և կարծում էք թէ այդ միմոսութիւններով կը կուրացնէք նրա աչքերը, որին դուք ինքներդ ամենազէտ էք անւանում... Այժմ կամենումեմ ես հպարտութեամբ խօսել: Գնա՛ և ասա՛ այն բարձրապատիւ դատաստանին, որը կեանքի ու մահւան վճիռ է տալիս. Ես այն գողերից չեմ, որոնք գիշերային խաւարից են օգտւում... Անտարակոյս մի ժամանակ ես կը կարգամ երկնային ցուցա-

կի մէջ իմ դատավճիռը, բայց երկնքի թշւառ ներկայացուցիչներն հետ ես չեմ կամենում այլևս խօսել: Ասան նրան, որ իմ արհեստը յատուցումն է և իմ զբաղմունքը՝ վրիժառութիւնը“:

Աւագակապետից յոյսը կտրելով, աբեղան գառնում է դէպի նրա խումբը, և ցոյց տալով կառավարութեան հրովարտակն, ասում է.

„Ուրեմն դուք լսեցէք, թէ ինչ է ասում ձեզ արդարագատութիւնը իմ միջոցով: Եթէ դուք իսկոյն կը կապէք այդ դատապարտւած շարագործին և կառավարութեան ձեռքը կը յանձնէք, ապա դուք բոլորովին ներումն կը ստանաք: Ձեզ, մոլորւած ոչխարներիդ սուրբ եկեղեցին կ'ընդունէ իւր ծոցը կրկնակի սիրով և ձեզանից իւրաքանչիւրի համար ճանապարհ կը բացւի դէպի պատուաւոր պաշտօնները: Ուրեմն դէպի գործ: Կապտեցէք նրան և ամենքդ ազատ էք“:

Լսելով այդ առաջարկութիւնը, Կարլը ինքն իւր կուռը կապում է ծառից, որ աւագակները չը վախենան իրանից, և խնդրում է նրանց կապել իրան և յանձնել ում յարգն է: Բայց աւագակները պատուում են կառավարութեան հրովարտակը և չպրտում աբեղայի երեսին ասելով.

“Ֆինս, և ասան քեզ ուղարկող ատեանին, որ Մօօրի բանակի մէջ ո՛չ մի հատիկ դաւաճան չ'կայ“: Ապա ամենքը մերկացնելով սրերը հետևում են Կարլին:

Ծերունու գերիշխանութիւնից ազատելով, Փրանցը դարձաւ ամբողջի տէրը և ինքնիշխան հրամայողը: Ամալիային ստանալու համար ըստ երևոյթին ճանապարհը հարթւած էր: Հօր թագման հանդէսը տօնում էր Փրանցը ուրախ խնջոյքով, որից խոյս տւաւ օրիորդը: Փրանցը եկաւ նրա ետեից և սկսեց նախ մեղմութեամբ բացատրել նրան, թէ Ամալիան այսուհետև պիտի հնազանդ լինի և պատկանէ նրան: Իսկ օրիորդը պատասխանեց, թէ ինքը երբէք չի դառնալ Կարլին սպանողի կիներ: Փրանցը սպառնաց բանտարկել նրան կամ վանքը ուղարկել: Ամալիան այդ մասին ուրախութիւն յայտնեց. նա ցանկանում էր փակել շորս պատերի մէջ, հեռու Փրանցի աչքից, և միմիայն իւր Կարլի մասին մտածել: Փրանցը աւելի էլ սաստկացրեց իւր սպառնալիքները: „Մագերիցդ բռնած քեզ եկեղեցի քարշ կը տամ. սրով դուրս կը քաշեմ բերանիցդ ամուսնական երդումը... քո ամօթխած հպարտութիւնը կը կոտրեմ իմ աւելի զօրեղ հպարտութեան միջոցով“:

Այդ խօսքը լսելով օրիորդը մի փառաւոր ապտակ հասցրեց Փրանցի երեսին: Փրանցը կատաղելով փորձեց բռնութեամբ քարշ տալ նրան իւր հետ, բայց օրիորդը ճարպիկութեամբ խլեց Փրանցի կողքից կախւած դաշոյնը և յարձակ-

ւելով Փրանցի վրա, դուրս փախցրեց նրան:

Այդ ժամանակ ներս մտաւ Հէրմանը, որը վազուց յարմար ըոպէ էր որոնում օրիորդի հետ խօսալու համար: Հէրմանի խիղճը շարժել էր. նա կամենում էր միայն երկու խօսք տեսլ, որպէս զի թէ իւր խիղճը հանգստացնէր և թէ օրիորդին ազատէր յուսահատութիւնից: Ամալիան չէր կամենում լսել նրան. բայց Հէրմանին յաջողւեց վերջապէս լեզուից թռցնել, թէ Կարլը և ծերունի կոմսը կենդանի են: Ամալիան լսեց միայն Կարլի անունը և ուրախութիւնից շփոթւած չը գիտէր ինչ անել:

X.

Չը նայելով որ աւազակային խումբը շրջապատւած էր գինւորներով, այնուամենայնիւ կարողացաւ նա խոյս տալ՝ շնչին կորուստ ունենալով: Սպանւած էր Բօլլէրը, Կարլի սիրելին, որին նա հազիւ ազատել էր կախաղանից: Երեկոյ էր: Կարլը իւր բանակով գտնուում էր մի ամուր տեղում, Դունայ գետի ափին: Պառկել էր Կարլը մի ծառի տակին, ֆիզիկապէս յոգնած և հոգեպէս խորը վշտացած թէ Բօլլէրի մահւան և թէ առհասարակ իւր անբնական կեանքի և գործունէութեան պատճառով: Նա շատ լաւ պիտէր, որ ինքը չէ գտնուում պատշաճ ու մարգավայել ասպարիզի մէջ, որի համար նա ի բնէ

սիրտ և ընդունակութիւն ունէր: Հանգամանքները ստիպել էին նրան դառնալ մի նշանաւոր աւազակապետ, բայց նա ինքն իրան չէր կարողանում ներել...

„Տեսնում էր—ասում էր նա ինքն իրան—թէ որքան զեղեցիկ է բուսել ցորէնը: Ծառերն էլ ահա ծանրաբեռնւած են առատ պտուղներով: Խաղողի ճիթը մեծ յոյս է տալիս: Ուրեմն գոնեայ այդ գէպրում թափած քրտինքը վարձատրուում է... Ինչո՞ւ մարդուն յաջողում է այն, ինչո՞ր նա մըջիւններից է ընդօրինակում, բայց չէ յաջողում այն, ինչով նա կամենում է ասուածներին նմանել: Ուրեմն այստեղ է նրա կոչման սահմանը... Եղբայր, ես ծանօթ եմ մարդկանց, նրանց մեղական գործունէութեան և հսկայական ծրագիրներին, նրանց մկնային զբաղմունքին և աստւածային ձգտումներին, նրանց զարմանալի ընդունակութեան՝ բազմ որսալու ասպարիզում: Մէկը ապաւինում է իւր ձիւթօռչքին, միւսը՝ իւր էշի տունչին, երրորդը՝ իւր ոտներին: Սա մի բազմաբովանդակ խաղաղութիւն է, որի մէջ ասպարէզ է գնում մէկը իւր անմեղութիւնը, միւսը իւր հոգին՝ մի յաջող տոմսակ ձեռք բերելու յուսով: Սա մի կատակերգութիւն է արտասուքի արժանի... Բայց տես, թէ ինչպէս փառահեղ կերպով մայր է մտնում արևը... Այդպէս է մեռնում հերոսը... Երբ ես

գեռ մանուկ էի, այդ էր իմ սիրելի ձգտումը՝ արևի պէս ապրել և արևի պէս մեռնել... Երանի թէ վերագտնար այն օրը... Այո, բարեկամներ, աշխարհքը գեղեցիկ է, աշխարհքը փառահեղ է... Իսկ ես այնպէս տգեղ եմ այդ գեղեցիկ աշխարհում, իսկ ես մի հրէշ եմ այդ փառահեղ երկրում... իմ անմեղութիւնը, անմեղութիւնը... Տեսէք. ամեն բան կենդանանում է գարնանային մեղմ ճառագայթներից. ինչո՞ւ միայն ես պիտի վիշտ գտնեմ երկնային ուրախութիւնների մէջ։ Ամենքը բաղտաւոր են, ամենքը միացած են խաղաղութեան հագով։ Ամբողջ տիեզերքը մի ընտանիք է և վերևում մի հայր կայ... Բայց ես միայն հայր չունեմ... Միայն ես եմ արտաքսւած, ես եմ վռնդւած մաքուրների շարքից։ Ի՞նչ համար միայն չկայ գաւակ կոչւելու քաղցր իրաւունքը, սիրելիի քնքոյշ հայեացքը և բարեկամական գրկախառնութիւնը։ Մարգասպաններով շրջապատւած, երկաթեայ կապերով արատաւոր կեանքի հետ կապւած, աշխարհի երջանիկ ծաղիկների մէջ միայնակ մնացած... Ո՛հ, եթէ ես կարողանայի վերագտնալ մօրս արգանդը և նորից ծնւել որպէս մի չքաւոր երեխայ։ Ո՛չ, ես աւելի բան չէի կամենալ. բայց եթէ մի հասարակ բանւոր դառնալ... Ո՛հ, դուք խաղաղութեան օրեր, ո՛հ, դուք շքեղ հովիտներ, ո՛հ, իմ մանկութեան

երջանիկ տեսարաններ... Դուք այլևս երբէք չէք վերագտնաւու, երբէք, երբէք...

XI.

Նոյն երեկոյեան գալիս է Գարլի բանակը մի դեռահաս երիտասարդ՝ Կօսինսկի անուետ։ Երիտասարդը հեռու տեղից եկել է՝ նրանց ընկերանալու համար, բայց Գարլը ընդդիմանում է նրան, խորհուրդ տալով իրոր շանբաղտացնել ինքն իրան։ Գարլը կարծում է, թէ Կօսինսկուն զէպի աւագակութիւն մղողը սնտոի փառասիրութիւնն է և թէ նա շատ թեթեւ կարծիք ունի աւագակային վտանգաւոր ասպարիզի մասին։ Բայց Կօսինսկու պատմածներից բոլորովին ուրիշ բան է դուրս գալիս։

Կօսինսկին Բօհէմիայի ազնւական էր։ Նրա կալւածներում ապրում էր մի հրեշտականման անարատ աղջիկ, որին սիրում էր երիտասարդ ազնւականը և արդէն նշանած լինելով որոշել էր պատկազրութեան օրը։ Հարսանիքից մի օր մնացած Կօսինսկուն անակնկալ ձերբակալում են և տանում իշխանական պալատը։ Նրա առաջ դնում են մի շարք կասկածաւոր նամակներ, որոնց իբր թէ նա է գրել, խլում են նրա սուրը և բանտարկում են նրան։ Մի ամիս բանտում մնալուց յետոյ Կօսինսկին անմեղ է յայտնուում, ազատւում է բանտից և յետ ստանում սուրբ։

Նա յաղթական ուրախութեամբ թռչում է իւր կալւածքը. բայց ո՞հ հիասթափութիւն... Նրա Ամալիան չկայ... Կէս գիշերին տարել են օրիորդին, ոչոք չը գիտէ թէ ուր... և այն օրից յետոյ ոչ ոք չէ տեսել նրան: Երիտասարդը գնում է քաղաք, շատ հարցուփորձ է անում, բայց ոչինչ չէ կարողանում իմանալ: Վերջապէս նա սկսում է մուտ գործել պալատական շրջանները և պալատի մի գաղտնի վանդակապատից օրիորդը մի տոմսակ է նետում երիտասարդին, որից նա ամեն բան տեղեկանում է: Երիտասարդին անիրաւ կերպով ձերբակալել տւող իշխանը առաջարկել է օրիորդին ընտրել երկու բանից մէկը՝ այսինքն կամ տեսնել Կօսինսկու մահը, կամ թէ դառնալ իշխանի սիրուհին, որ Կօսինսկին ազատւի: Օրիորդը բարւոք է համարել իւր անձը կորցնել, քան թէ սիրելիի մահը տեսնել: Նամակը ստանալուց յետոյ Կօսինսկին փորձում է սպանել իշխանին, բայց փորձը չէ յաջողում և նա նորից ձերբակալում է: Ապա իշխանը, ի նշան առանձին ողորմածութեան, որոշում է միայն զրկել երիտասարդին պատից ու բոլոր իրաւունքներից և արսորել իւր երկրից: Կօսինսկու հարստութիւնն անցնում է, իբր վարձատրութիւն, գործը գլուխ ցերող միլիտարի ձեռքը: Ամալիան մնում է առ-միշտ բռնաւորի ճանգերում: Իսկ իբրն Կօսինսկին այլևս ուրիշ ճանապարհ չը

տեսնելով, որոշել է անձուէր անդամ դառնալ Կարլի խմբին:

Կարլի սիրտը բոլորովին տակն ու վրա է լինում լսելով Կօսինսկու Ամալիայի զրուցեան մասին... Արդեօք համանման զրուցեան մէջ չէ Կարլի Ամալիան... Ի՞նչ է անում նա այժմ... Նա ում ճանգերի մէջ է տառապում... Եւ մի թէ Կարլը չէ կարող օգնութեան հասնել նրան... Յուզած աւաղակապետը իսկոյն ոտքի է կանգնում և հրամայում խմբին առաջ շարժուել... Ոչ ոք զեռ չը գիտէ, թէ ուր են գնում, բայց ինքը Կարլը լաւ գիտէ...

XII.

Մի շաբաթից յետոյ մենք գտնումենք Կարլին հայրական ամբոցի գոճերի առաջ կանգնած: Նա ուղարկեց Կօսինսկիին ներս, որ յայտնէ իբր թէ Մէկլէնբուրգցի կոմս Բրանդի գալուատը: Կօսինսկիի բացակայութեան ժամանակ Կարլը խորասնուզեց իւր վշտերի մէջ.

„Բարե՛քեզ, հայրենական տուն, հայրենի երկինք, հայրենի արև... Բարե՛ ձեզ, դաշտեր, բլուրներ, գետեր և անտառներ... Որսէս ախորժելի է հայրենի լեռների օդը... Բնաստեղծական աշխարհ... Դանգ առ, Կարլ, դու գտնուումես սուրբ տաճարի մէջ: Ահա ծիծեռնակների համար շինած տնակը, ահա այդու փոքրիկ գուռը, ահա

ցանկապատը... Ահա այն հովիտը, ուր դու փոր-
 րիկ զինւորներին վարժեցնում էիր... Այն ժա-
 մանակ դու երջանիկ էիր... ուրախ էիր... Իսկ
 այժմ... Քո բոլոր ծրագիրները խորտակւած են:
 Այդ ամբոցում պիտի դու դառնայիր մի ազնիւ
 մարդ... Այստեղ պիտի դառնայիր քո ժողովրդի
 սիրելին... Այստեղ պիտի Ամալիայի գաւակները
 վերանորոգէին քո մանկական պատկերը... Բայց
 չար ուղին ծուռ նայեց քո վրա... Եւ ինչո՞ւ հա-
 մար ես վերադարձել դու այժմ... Գնա, հեռա-
 ցիր... Բայց ոչ, Ամալիային չը տեսնել... ոչ մի
 հայեացք չը գցել նրա վրա, երբ միայն մի պատ
 է բաժանում ինձ նրանից... Ոչ, ես պիտի տես-
 նեմ, պիտի տեսնեմ նրան: Ոչ, հայր, հայր, քո
 որդին մ'օտ է քեզ... Հեռո՞ւ ինձնից մահւան
 պատկերներ... Հեռո՞ւ, գարշելի արեան երեոյթ...
 Գոնեայ մի ժամ ազատ թողէք ինձ... Հայր,
 Ամալիա, Կարլը մօտ է ձեզ“...

Կոմս Բրանդին ընդունում են ներս: Կարլը
 անմիջապէս աշխատում է ստանալ իրան հարկա-
 ւոր տեղեկութիւնները, բայց զգուշանում է, որ
 իրան չը ճանաչեն: Ահա անցնում է Ամալիայի
 հետ միասին պատկերազարդ սրահով: Նա որո-
 նում է պատկերների մէջ ծերունի Մօօրին, որը
 իբր թէ իւր հին բարեկամն է եղել: Գտնելով
 նրա պատկերը, Կարլը անտեսաւալի աչքերով
 ծածկաւար ներդուրժիւն է խնդրում պատկերից,

իսկ Ամալիային դառնալով գովում է ծերունուն
 և զերազանց մարդ է անւանում նրան: Ապա
 նկատելով իւր պատկերը, որ կախւած էր հօր
 աջ կողմում, հարցնում է Ամալիային, թէ ում
 պատկերն է նա: Իսկ Ամալիան խոյս տալով այդ
 պատկերից մատնացոյց է անում ձախ կողմի
 պատկերի վրա, ասելով թէ նա ծերունու որդին
 է: Բայց Կարլը կրկին հարցնում է աջ կողմինի
 մասին: Ամալիան, չը կարողանալով զսպել ար-
 տասուքը, փախչում է: “Նա ինձ սիրում է—
 ասում է Կարլը ինքն իրան ճմլուած սրտով—
 սիրում է դեռ ինձ: Նա շփոթեց իւր ամբողջ
 էութեամբ, ախամայ վագեցին արտասուքի կա-
 թիլները նրա թշերի վրայով: Նա սիրում է ինձ...
 Թշառական, միթէ դու արժանի ես Ամալիային“...

Կարլը վշտացած հեռանում է սրահից: Այդ
 բուպէին յայտնում է Փրանցը՝ մտքերի մէջ խո-
 բասուղւած: Նա խիստ անհանգիստ է հիւրի գա-
 լուց յետոյ: Ամալիան, որ սովորաբար ոչորի
 երեսին նայել չէ ուզում, շատ մեղմ է հիւրի հետ:
 Ո՞վ է այդ մարդը, չ'իմի՞ թէ Կարլը ինքն է...
 Փրանցը կանգ է առնում եղբոր սրտկերի առաջ,
 խորը դիտում է և աւելի ու աւելի սկսում է
 կարծել, թէ հիւրը Կարլն է: Ուրեմն ինչ անել...
 Միթէ Փրանցը պիտի միանգամից կորցնէ իւր
 երկար ջանքերի արդիւնքը... Ոչ, ինչպէս կա-
 րելի է... Նա արդէն այնքան առաջ է գնացել

իւր շարագործութիւնների մէջ, որ այլևս յետ դառնալը անհնար է: Որեմն դէպի յառաջ... Բազմաթիւ շար գործերին դժւար չէ մէկն էլ աւելացնել: Կարլն է, թէ ուրիշն է այդ անակնկալ հիւրը, նա պիտի մեռնէ յանուն Փրանցի հոգեկան հանգստութեան: Բայց ինչպէս իրագործել այդ գիղաւորութիւնը:

Նա իսկոյն կանչում է ծերունի Դանիէլին, որը համարեա իւր ամբողջ կեանքում հաւատարմութեամբ ծառայել է Մօօրի ամբոցում: Դանիէլը բարի մարդ է և քրիստոնէական զգացմունքով ու հանգիստ խղճով սպասում է իւր գերեզմանին: Իսկ Փրանցը որոշել է նրա ձեռքով վերջ տալ Կարլի կեանքին: Բայց ի հարկէ Դանիէլը հեշտութեամբ չի յանձն առնիլ այդ գործը: Ուստի Փրանցը զանազան խորամանկութիւններ գործ դնելով, նախ փորձում է նրան, թէ արդեօք կաշառւած չէ նրա կողմից: Եւ վստահանալով, որ այդպիսի բան չկայ, Փրանցը հրամայում է, պահանջում է, որ կոմսը միւս օրը շէ գտնւի կենդանի մարդկանց շարքում: Դանիէլը սարսափում է. նա ոչ մի կերպով չէ կարող այդպիսի յանցանք գործել: Փրանցը սկսում է սպառնալ գարհուրելի կերպով: Դանիէլը պիտի երկուբանից մէկը ընտրէ. կամ պիտի կատարէ Փրանցի հրամանը և հանգիստ ու խաղաղ կեանք անցուցանէ, կամ թէ պիտի մինչև մահը ճգնւէ ամե-

նախոր վիրապում, ուր ստիպւած պիտի լինի սովածութիւնից սեփական սակորները կռծել: Անճարացեալ յանձն է առնում ծերունին՝ կատարել Փրանցի հրամանը, յուսալով որ մինչև միւս օր գուցէ մի ուրիշ ելք կը գտնէ: Երբ Դանիէլը դուրս գնաց, Փրանցը իւր սովորութեան համեմատ աշխատում էր զանազան սովեստութիւններով արգարացնել իրան: „Մարդը յառաջ է գալիս տիղմից—ասում է նա—և որոշ ժամանակ տիղմի մէջ թաւալելով, տիղմ է յառաջ բերում և յետոյ կրկին ինքն էլ տիղմ է դառնում... Այդ է մարդկային կոշման ամբողջ երգը... Եւ այդպէս, բարի ճանապարհ, յարգելի եզրայր: Թօքախտաւոր ու կաթւածահար բարոյագէտը թող քարոզէ պառաւ պոռնիկներին և տանջէ գառամեալ վաշխառուներին մահւան անկողնում... Իսկ ինձ համար ինչ նշանակութիւն ունին այդ բարոյագէտները“...

XIII.

Փրանցի հարցովորձը Դանիէլին էլ կասկածի մէջ է զցում, թէ գուցէ իսկապէս այդ կոմսը Կարլն է: Դանիէլը սկսում է լաւ գննել կոմսին և գտնում է, որ նրա դէմքի մի քանի զծերը յիշեցնում են Կարլին: Բայց ինչպէս իմանալ ստոյգը: Դանիէլը մտաբերեց, թէ ինչպէս երեսայ ժամանակ Կարլի աջ ձեռքը վիրաւոր-

ւել էր և վէրքի նշանը մնացել էր առ միշտ: Ծե-
րունին մօտեցաւ կոմսին և խնդրեց թոյլ տալ
համբուրել նրա ձեռքը: Կոմսը սկզբում ընդդիմա-
ցաւ, բայց վերջապէս զիջեց ծերունու աղերսան-
քին: Դանիէլը նկատելով վէրքի նշանը, իսկոյն
չոքեց նրա առաջ և բացականչեց. «Իմ սիրելի,
բարի Կարլ»: Կարլը այլևս չը կարողացաւ թաղ-
ցնել: Ապա նա սկսեց Դանիէլից տեղեկութիւն-
ներ հարցնել: Ծերունին բացատրեց, որ Ամա-
լիան շարունակում է սիրել նրան և միշտ տանջ-
ւում է նրա վշտով: Ապա մի ակնարկով հասկա-
ցրեց Կարլին, որ նրա մահւան սուտ լուրը Ֆրանցին
է տարածել և թէ ինքն աւելի յօժարութեամբ
կը նստէ խոր վիրապում, քան թէ սպանութիւն
կը գործէ: Կարլի աչքերը յանկարծակի բացե-
ցին: Նա սկսեց հասկանալ, որ ինքը սխալւած
է եղել հօր աններողամտութեան վերաբերմամբ,
թէ այստեղ մի խաբէյութիւն կայ, մի սարսա-
փելի նենդաւոր խարդախութիւն կայ, որի հերոսը
ուրիշ ոչ ոք է, բայց եթէ Ֆրանցը: Հիմա ինչ
անէ Կարլը, սպանէ եղբօրը... Ո՛չ, նա այդ չի
անիլ: Նա պիտի խնայն հեռանայ ամբողջից, ո՞ր
ստիպւած չ'լինի այդպիսի յանցանք գործել:
Կարլը հրամայում է Կօսինակիին ձիերը պատ-
րաստել և սպասել իրան. նա կամենում է վեր-
ջին անգամ տեսնել Ամալիային:

Ամալիան մէնակ նստած պարտիզում ալե-

կոծւում է: Նա չը դիտէ, թէ ով է այդ կոմսը,
բայց սրա աչքերի և ձայնի մէջ ինչոր բան կայ,
որ քարշում է Ամալիային դէպի իրան: Երբ նա
հարցրեց. Ամալիա, դու լաց ես լինում — Ամա-
լիայի աչքին կեանքը նորից կենդանացաւ, բնու-
թիւնը նորից թարմացաւ... Կոմսի ձայնի մէջ հն-
չեց անցած սիրոյ նորոգւած ձայնը, դարնանա-
յին ծաղիկները նորից բուրեցին, և Ամալիային
թւաց, թէ ինքն ընկած է իւր Կարլի պարանո-
ցին: Ահա այդ քաղցր զգացմունքները վշտաց-
նումեն անբաղտ օրիորդին: Կարծես թէ նա սի-
րում է այդ օտարականին... „Լուիւ... լուիւ, ան-
հաւատարիմ սիրտ: Ո՛չ, ո՛չ, հեռու իմ հոգոյ մի-
ջից յանցաւոր պատկերը: Ես չեմ խախտիլ իմ
երգումը. Կարլն է իմը: Հեռու իմ սրտից, դա-
ւաճան ցանկութիւններ: Այն սրտի մէջ, ուր Կարլն
է ընակում, ուրիշ ոչ ոք չէ կարող տեղ գտնել:
Սակայն իմ հոգին ձգտումէ շարունակ դէպի այդ
օտարականը: Նա հարցրեց. Ամալիա, դու լաց
ես լինում: Այո, ես պիտի խուսափեմ, պիտի
փախչեմ նրանից, երբէք պիտի չը նայեմ այդ
օտարականի աչքերին:

Բայց ահա նա մտաւ պարտէզ: Ո՛ւր փախ-
չել: Օրիորդը շտապով հանում է ծոցից Կարլի
պատկերը և աչքերը սեւռում է պատկերի վրա,
որպէս զի սիրտը չը մոլորւի: Կարլը կամենում
է տեսնել, թէ այն ինչ պատկեր է, բայց օրի-

որդը թագցնելով սկսում է գովել իւր սիրելիին, պատմում է թէ ինչպէս նա վարդ էր քաղում Ամալիայի համար, ինչպէս ընկնում էր նրա վզովը և համբուրում նրան... Կարլը պատմումէ, թէ ինքն էլ մի այսպիսի սիրուհի է ունեցել, որից սակայն վաղուց հեռացած է: „Եթէ դուք իմանայիք—հարցնում է Կարլը— թէ Ձեր սիրելին այժմ աւագակ է, մարդասպան է, ինչ կանէիք այն ժամանակ“: Ամալիան պատասխանում է, թէ իւր սիրելին չէ կարող այդպիսի մէկը լինել, որովհետև նա, իւր սիրելին, աստուածութեան արտացոլութիւնն է, իսկ աստուածութիւնը սէր և զթութիւն է... հաւատացնում է, թէ նա նոյն իսկ մի ճանճին տանջանք չի պատճառել, թէ իւր սիրեցեալի հոգին այնքան հեռու է արիւնոտ մտքերից, որքան պայծառ օրը խաւար գիշերից: Կարլը, տեսնելով որ ինքը շատ հեռու է այժմ Ամալիայի իզէալը լինելուց, շտապով վեր է կենում, մի վշտալի լուռ հայեացք է գցում Ամալիայի վրայ և վճռական կերպով հեռանում է:

XIV.

Կարլի խումբը իջեանել էր ամբողջի շրջակայքում գտնուող անդառում: Գիշեր էր: Նրանք սպասում էին աւագակապետի վերադառնալուն, բայց նա ուշանում էր: Կարլի բացակայութիւնից օգտուելով Չպիգէլբէրգը կամենում էր իրա-

գործել իւր վաղուցայ ծրագիրը, այսինքն ինքն դառնալ խմբի հրամանատարը: Նա մի կողմ տանելով Բայմանին, աշխատում էր համոզել որ իւր հետ միասին գնան և ճանապարհին ծածուկ սպանեն Կարլին: Բայց Չվէյցէրը հասկանալով Չպիգէլբէրգի շար դիզաւորութիւնը, տեղն ու տեղը սպանեց նրան: Զուտով եկաւ Կարլը և տեղեկանալով պատահած դէպքի մասին, ասաց. „Սն էր, որ ներշնչեց ինձ այն սարսափելի միտքը: Այժմ սրա մահը նշան է, որ ամեն բան շուտով վերջանալու է: Ծառերի տերեւները թափւում են, աշունը մօտ է“: Ապա Կարլը ազատ թողեց աւագակներին, որ քնեն ու հանգստանան: Իսկ ինքն արթուն մնաց և ինչոր մտքեր էր անում...

„Որպէս մութն է բոլորը—ասում էր նա— որպիսի խառն լաբիրինթոս... Ոչ մի առաջնորդող աստղ չկայ, որ վկայ լինէր, թէ ինչպէս զազարեց այդ շունչը... Միթէ կեանքը միայն տիկնիկներէ մի խնդ է: Բայց ինչո՞ւ համար է այն ջերմ տենչանքը դէպի երջանկութիւն, ինչո՞ւ համար է անհասանելի կատարելագործութեան իզէալը, չը վերջացրած ծրագիրների յետաձգումը, եթէ ատրճանակի շնչին ճնշումը հաւատարացնում է իմաստունին յիմարի հետ, քաջին երկչոտի հետ, ազնիւին խարդախի հետ: Քանի որ անշունչ բնութեան մէջ մի այնպիսի աստուածային ներգաշնակութիւն է տիրապետում, ինչո՞ւ պիտի բա-

նական բնութեան մէջ իշխէ անհամբերաշխութիւնը: Ժամանակը և յաւիտենականութիւնը շղթայաւած են իրար հետ մի հատիկ վայրկեանի միջոցով: Ո՛հ, դու զարհուրելի բանալի, որ կողպում ես իմ հոտից կեանքի բանտը և բացում ես իմ առաջ մշանջենաւոր գիշերի շրջանը, ասանձ, ո՛հ ասանձ ինձ, ո՛ւր ես կամենում տանել ինձ... Եւ միթէ ես պիտի մեռնեմ այն պատճառով, որ վախումեմ տանջալի կեանքից... Գիտի թո՛ղ տամ ես, որ թշառութիւնը յաղթող հանդիսանայ իմ վրա: Ո՛չ, ես կամենում եմ համբերել... Թո՛ղ ինքը տանջանքը ընկճւի իմ հպարտութեան առաջ... Ես կամենում եմ գործը մինչև վերջը տանել, տեղ հասցնել“...

Այդ խորհրդաւոր ըրպէին Կարլը յանկարծ նկատում է, որ մի մարդ կամաց գալիս է անգառի միջով: Եկողը Հէրմանն էր, որ մօտենալով վիրապին սկսեց դուռը ծեծել: Ներսից մի հարցական ձայն լսեց: Հէրմանը յայտնեց իւր ով լինելը և վանդակի արանքով տաւ մօտեցող ձայնին մի կտոր հաց: Երբ նա կամենում էր հեռանալ, Կարլը մօտեցաւ նրան և հրամայեց կանգնել: Հէրմանը սարսափած, կարծելով թէ խօսողը Ֆրանցն է, սկսեց ներողութիւն խնդրել: Նրա խօսքերը կասկած զարթնեցրին Կարլի սրտում: Նա վերցրեց մի երկաթեայ գործիք և դուռը կտարելով դուրս բերաւ բանտարկածին և

զարմանքով լսեց հօր ձայնը: Կարլը մի ըրպէ ապշած էր և կարծում էր թէ իւր առաջ կանգնած է հօր ուրականը, որը դուրս է եկել գերեզմանից: Բայց զառամեալ կոմսը, որը իսկապէս դիակի էր նմանում, բացատրեց որ ինքը երբէք թաղւած չէ եղել, այլ նրա փոխարէն թաղել են միայն մի շուն: Ֆրանցը գցել տալով կիսամեռ հօրը խոր վիրապի մէջ, խիստ կերպով պատւիրել է Հէրմանին, որ սովամահ անելով մեռցնէ նրան: Բայց Հէրմանը կարողացել է խտրել Ֆրանցին և ամենայն օր կէս գիշերին մի կտոր հաց բերելով, կարողացել է մի կերպ պահել ծերունու կեանքը: Այդ սարսափելի սլառութիւնը լսելով, Կարլը բողբոլին կատաղեց և ատրճանակ արձակելով իսկոյն զարթնեցրեց ընկերներին: „Եկէք—բացականչեց նա—ու տեսէք... Որդին հօրը սպանել է... Ո՛չ, սպանելը շատ շնչին բան է... Որդին հօրը խողխողել է, կախաղան է բարձրացրել, խայտառակել է, որդին իւր ուշաթափւած հօրը գլորել է վիրապի մէջ... ենթարկել է նրան ցրտի, սովի, ծարաւութեան... Սա իմ հարազատ հայրն է, ես պիտի խօստավանեմ այդ“:

Կարլը երզում է, որ Ֆրանցը անպատճառ պիտի պատժւի, որ նրա արիւնը պիտի թափւի հօր ոտների տակ: Նա հրամայում է Զվէյցերին՝ իւր խմբով յարձակւել ամրոցի վրա և կենդանի

բունել Փրանցին և բերել իւր մօտ: Ըվէյցէրը խօսք է տալիս կամ վերադառնալ Կարլի մօտ Փրանցի հետ միասին, կամ թէ բոլորովին չը վերադառնալ:

XV.

Կէս գիշերը արդէն անցել է: Մօօրի ամբոյում ամենքը քնած են և բոլոր ճրագները հանգած: Միայն ծերունի Գանիէլն է որ զարթուն մնալու պատճառ ունի: Նա չէ կատարել Փրանցի յանձնարարութիւնը, ուստի միւս օրւանից սպասում է նրան մի զարհուրելի կեանք գետնափոր բանտում: Բայց յանուն ո՞ր իրաւունքի: Ծերունին իւր ամբողջ կեանքում հաւատարմութեամբ ծառայել է: Իսկ այժմ, երբ նրանից վատ գործեր են պահանջում, նա իրան պարտաւոր չէ համարում մնալ ծառայութեան մէջ և որոշել է սուս ու փուս հեռանալ: Եւ ահա երբ ամենքը հանգիստ քնած են, նա վերցնելով իւր շնչին կապոցը և մի փոքրիկ լապտեր, մնաս բարև է անում իւր մաքրած սրահներին: Այդ միջոցին սարսափած մօտ է վազում Փրանցը գիշերային հանդերձի մէջ:

Փրանցը այլևս հանգիստ բուն չունի: Նրա բոլոր ծրագիրները խորտակելու վրա են: Կարլը եկաւ և միանգամից անյայտացաւ: Փրանցը լաւ բան չէ սպասում այդ գէպից: Նա համոզւած

է, որ վտանգի ժամանակ ոչոք չի պաշտպանիլ իրան, որովհետև բոլորն էլ այրւած սիրտ ունեն: Իսկ իւր հոգոյ խորքերում Փրանցը զգում է, որ ինքը մի զարհուրելի չարագործ է և որ իւր սփեւտական դատողութիւնները իսկապէս ոչ մի հաստատ հիմք չունեն: Նա մի սարսափելի երազ է տեսել այս գիշեր: Հագիւ երագից զարթնած նրա ականջին հասել է ինչոր ձիերի ոտնաձայն և զէնքերի շառաշիւն, բայց կարծում է, որ այդ բոլորը հիւանդ երեակայութեան արդիւնք է: Այնուամենայնիւ նա սարսափում է, տանջւում է և չը դիտէ ինչպէս հանգստացնել իւր սիրտը: Նա պատմում է երազը Գանիէլին և պահանջում է, որ ծերունին ծիծաղէ այդ յիմար երագի վրա:

„Երագումս տեսայ—ասում է նա—որ մի վառաւոր հացկերոյթից յետոյ ես պառկած եմ խոտի վրա, մեր այգում և իմ սիրտը շատ լաւ սրամաղրութեան մէջ է: Յանկարծ ես լսեցի մի ահուելի որոտմունք. սարսափելով վեր թռայ և տեսայ, որ ամբողջ հորիզոնը բոցավառւած է և լեռները, քաղաքները, անտառները հալւում են մոմի պէս, իսկ գոռացոյ փոթորիկը ալեկոծում է ծովը, երկինքը և երկիրը: Այդ ժամանակ լսեց պղնձեայ փողի ձայնը, որ ասում էր. Ո՛վ երկիր, տո՛ւր քո ննջեցեալները, ո՞վ ծով, տո՛ւր քո ննջեցեալները: Եւ ահա ամայի անապատը սկսեց ճայթճայթել և դուրս գցել իւր միջից

գանգեր, ծնօտներ և ոտներ, որոնք միանալով կազմում էին մարդկային ամբողջ մարմինները: Ես վեր նայելով նկատեցի, որ կանգնած եմ որոտալի Սինայի ստորոտում և ինձնից վերը մի բազմութիւն և ինձնից ներքև նոյնպէս: Իսկ լեռան գագաթին երեք բոցավառ աթոռների վրա երեք հոգի էին նստած, որոնց հայեացքից փախչում էին բոլոր արարածները: Եւ ահա վեր կացաւ մէկը, որ աստղալից գիշերի էր նմանում և իւր ձեռքին ունէր մի կնիքաւոր երկաթեայ մատանի, որը բռնելով արևելքի և արևմուտքի մէջ ասաց. յաւիտենականութիւն, սրբութիւն, արդարութիւն: Կայ միայն մէկ ճշմարտութիւն, միայն մէկ առաքինութիւն: Չայ, վայ, վայ կասկածող որդին: Ապա յառաջ եկաւ երկրորդը, որ պահած էր ձեռքին մի փայլուն հայելի, որը բռնելով արևելքի և արևմուտքի մէջ՝ ասաց. Այդ հայելին ճշմարտութիւն է. կեղծաւորութիւնը և դիմակաւորութիւնը չեն կարող կանգուն մնալ: Զարհուրեցի ես նայելով հայելու մէջ, ուր երևում էին օձերի, և վագրների և բորենիների գէմքեր: Յետոյ վեր կացաւ երրորդը, որը ձեռքին ունէր պղնձեայ կշէնք, որը բռնելով արևելքի և արևմուտքի մէջ, ասաց. Մօտ եկէք, ո՞վ Ադամի գաւազներ, ես կշռելու եմ ձեր մտածմունքները իմ բարկութեան կշէնքով և ձեր գործերը իմ գայլոյթի կշռաբարերով:


Որքան էլ Փրանցը պահանջում էր, որ Գանիէլը ծագրէ իւր երազը, այնուամենայնիւ ձերունին ծագրելու փոխարէն սարսափում էր և պնդում էր, թէ Փրանցը տեսել է վերջին անգը դատաստանը: Փրանցը ի ներքուստ սարսափ զգալով հրամայում է կանչել պատուօրին: Իսկ մինչև պատուօրի գալը նա աշխատում է ինքն իրան հանգստացնել:

„Ո՞վ կարող է հաստատել, որ աստղերից վերը մի աչք կայ... Մի՞թէ աստղերից վերը մի վրիժառու կայ: Ռ՛չ, ո՛չ... Այո՛, այո՛... Եւ ես հէնց այս գիշեր պիտի ներկայանամ այդ վրիժառուի առաջ... Ռ՛չ, ատում եմ ես... Ամայի, գաղափրկ, խո՛ւլ է վերը աստղերից գէնը... Իսկ եթէ որևէ բան լինի... Ռ՛չ, ո՛չ, ոչինչ չկայ... Ես հրամայում եմ, որ ոչինչ չլինի... Սակայն եթէ լինի“...

Մինչդեռ այդպէս ինքն իրան տանջում էր Փրանցը, գալիս է պատուօրը, որի աշխատանքը նոյնպէս գուր է անցնում: Փրանցը արդէն մօտ է յուսահատ խելագարութեան: Տարաբաղտաբար նոյն բոպէին ստանում է նա մի շարք տխուր տեղեկութիւններ: Ամալիան փախել է, ձիաւորների մի գունդ թափուելով ամբողջ վրա, մահ, մահ է ազդակոււմ: Փրանցը վերջնականապէս գլուխը կորցնելով, խելագարւած, ողբում է իւր վերջին լուպէները, և կտրելով իւր պլխարկի ոսկէթիւր,

նրանով ինքն իրան խնդրում է: Այդ միջոցին ներս է մտնում Չվէյցէրը իւր խմբով և Փրանցին մեռած տեսնելով, ատրճանակով սպանում է ինքն իրան, որովհետև խօսք է տւել Կարլին՝ առանց Ֆրանցի չը վերադառնալ:

Չվէյցէրի ընկերները յետ դնալով, պատմում են պատահած դէպքի մասին: Կարլը գոհ է: Իսկոյն յատնւում է նոյնպէս Ամալիան և ընկնում է սիրելիի վզովը: Նրանք զրկախառնւում են: Քայց աւագակները յիշեցնում են Կարլին նրա ուխտը: Ծերունին չը կարողանալով գիմանալ զարհուրելի տեսարանին, տեղն ու տեղը հոգին աւանդում է: Իսկ Ամալիան տեսնելով, որ Կարլը չի քանդիլ իւր ուխտը, խնդրում է նրան սեփական ձեռքով սպանել սիրուհուն: Կարլը երկար տատանւելուց յետոյ վերջապէս ստիպւած է լինում կատարել սիրուհու խնդիրքը: Իսկ ինքը, Կարլը, փոխանակ ինքնասպանութիւն գործելու, որոշում է իւր արիւնը ծախել բարի նպատակով: Նա լսել է, թէ կառավարութիւնը խօստացել է հազար ոսկի տալ այն մարդուն, որը Կարլին կենդանի կը յանձնէ նրա ձեռքը: Եւ ահա Կարլը գնում ու յանձնւում է մի աղքատ մշակի իրաւունքին, որը տասնումէկ երեխայ ունէր, և խնդրում է նրան տանել իրան հարկաւոր առեանը և հազար ոսկի նպատակով:



ՀՀ Ազգային գրադարան



NL0666585

ՀՀ Ազգային գրադարան



NL0666584

ՀՀ Ազգային գրադարան



NL0666583

ՀՀ Ազգային գրադարան



NL0666582

